

آبونه شرائطی

داخلی ، خارجی هریر ایچون
سنه لای (۲۵۰) ، آتی آیانی
(۱۳۰) فروشدر .

[نسخه سی ۵ فروش ،
سنه لای ۵۲ نسخه در .]

اداره خانه

باب عالی جاده سنده دائرة مخصوصه

اخطارات

آبونه بدلی پشیندر

مسلسله ، وفاق آثار مع المنونیه
قبول اولنور . درج ابدلین
یازیلر اعاده اولونماز .

الکلیت

۱۳۳۰

دینی ، فلسفی ، علمی ، ادبی هفته لاق مجموعه اسلامیه در

والله یهدی من یشاء الی صراط مستقیم

باش محمد
محمد عاکف

صاحب و مدیر مسئول
اشرف ادیب

اتیموز اهدکم بیل الرشاد

عدد : ۳۶۲

۹ شوال

نجشنبه

۱۸ تموز ۳۳۴

جلد ۱۴

اخطارات
آدرس تبدیلینده آریجه بش
فروش کوندرلیدر .

مکتوبلرک امضالری واضح
واوقوناقلی اولمسی و آبونه صره
نومر و سنی محتوی بولمسی لازمدر .

ممالک اجنیه ایچون آبونه
اولانلرک آدرس لری نك قرانسر .
جده یارلمسی رجا اولنور .

یاره کوندرلیدی زمان نه به
داثر اولدیغنك واضحا یلدرلمسی
رجا اولنور .

تفسیر قرآن کریم

بِسْمِ اللَّهِ الرَّحْمَنِ الرَّحِيمِ

« کما ارسلنا فيكم رسولاً منكم يتلوا عليكم آياتنا ويزكيكم ويملمكم الكتاب والحكمة ويعلمكم ما لم تكونوا تعلمون »

سورة بقره، آیت ۱۲۹

موضع فخر و شرف اولان بیتک اتمام نعمت الهیه ایچون قبله قلندی بیان بیورلمشیدی . شمدی ده ، اتصاف ایلدیکی اوصاف ایلله نعمت تامه و رحمت شاهله اولان رسولک ارسال قلندی و خصائل برکزیده ایلله متصف رسولک ارسالی نعمت صمدانیه سنک اتمامی ایچون اولدینی کبی بیتک قبله کاه ایدلمی ده آیرجه برنعمت تامه اولدینی بیاناتی متضمن اوله رق اوصاف رسول بیان بیورلیور : نته کیم [حقکزده رایکان اولان نعمتی اتمام ایچون] سزه کندیکزدن بریغمبر کوندردک که او سزه آیتمزی تلاوت ایدر [کتوردیکی توحید و هدایتک حق من عندالله اولدیغه دال آیات قرآنیه و کونییه سزه ذکر و تقریر ایدر] و سزی تزکیه ایلر [نفسلریکزی اخلاق سافله و رذائل مبعوضه دن تطهیر و اخلاق حمیده ایلله متخلق ایدر] و سزه تعلیم کتاب و حکمت ایلر [توحیدی] امهات فضائی ، باعث تکمیلکزد اوله حق اصول معارف و احکامی اوکره تور] و [اخبار عالم غیب و سیرت انبیاء و احوال قرون ماضیه و امور مستقبله و سائریه دأثر نظر و فکر ایلله بیلنمسنه طریق اولیوب انجق و حی ایلله معلوم اولان جهتلر کبی دهانجه] بیلمدیککز شیرلی سزه تعلیم ایدر .

« فاذا کرونی اذ کرکم واشکرونی ولا تکفرون »

سورة بقره ، ۱۶۳

ایمدی سز بنی [قبله و ارسال رسول خصوصاً تنجه سزک اوزریکزه اتمام ایلدیکم نعمت لایله] ذکر [و یاد] ایدک [و بونعمت لری سزک اوزریکزه افاضه ایلله کرم و لطف ایدن بن اولدیغمی اونوتمیک] بنده سزی [او نعمت لریک و سائر ارکان سعادتک ادامه سیله] ذکر [و یاد] ایلرم . [جناب مولای متعالدن صادر اولان بوسه و سوز یک بیوکدر ؛ ذات اقدس رب ، بز عید ، او بزدن مستغنی ، بز ا کا محتاج ایکن کویا : سز بکا نه ایلله معامله ایدر سه کز بنده سزه ایلله معامله ایدرم دیور ؛ بو ، جناب حق طرفدن عبادینی افضل تربیه در ، انی ذکر و یاد ایدر لسه اوده آنلری ادامه نعمت و فضلی ایلله ذکر و یاد ایدیور ، آنلر ذات

الوهیتی فراموش ایدر لسه اوده آنلری مقتضای عدلیله فراموش ایدیور ، ع . جناب منزل الفرقان عبادینه نعمت لری حفظ ایدم چک شیئ تعلیم بیورد قدن صکره شمدی ده مقتضای جود و کرم اوله رق مزید نعمتی ایجاب ایدن شیده ارشاد ایلله شویله بیورلیور : [و بکا شکر ایدک] بونعمت لری ایلله عمل و نه ایچون وجوده کلمش لسه آنلری اورایه توجیه ایدرک ادای شکر ایدک] و بکا کفران ایتیمک [نعمت لری امال ایلله و یاخود سنن النبی اوزره علت ظانیه وجود لری اولان حالک غیری به صرف ایلله کفران نعمت ایتیمک] . علی الاطلاق شکر : محسنی ذکر احسانیه ثنا ایتیمکدر .

عبدالله شکر ایدر ، معناسی : جناب حقک احسانتی ، یعنی نعمتی ذکر ایلله ذات الوهیتته حد و ثنا ایلر دیمکدر . حق تعالی عبده شکر ایدر ، معناسی : قولک احسانتی ، یعنی طاعتی قبول ایلله آنی ثنا ایلر دیمکدر . مطلق شکر ، شکر لغوی ایلله شکر صرفی به انقسام ایدر . شکر لغوی : تعظیم و تجلیل اوزره لسان و جان و ارکان ایلله وصف بالجملدر . شکر عرفی : جناب حق عبده ، سمع و بصره و سائریه دأثر نه اتمام ایتیمک عیبک آنلرک هبسنی ماخلق لهنه صرف ایلسمی در . بوندن مستبان اولور که جناب حقک احسان ایلدیکی قوای مادیه و معنوییه ماهو لهرنده استعمال ایتیمک مهممل و معطل بر اقا نلر شکر صرفی بی ترک ایتیمک و بناء علیه نعم النبییه کفران ایلش اولور لر .

تفسیر کیرده شویله مسطور : « ذکر لسان ایلله ، قلب ایلله ، جوارح و اعضا ایلله اولور . قولرک حق تعالی بی لسان ایلله ذکر لری ذات الوهیتته حد ایتیمک ، آنی تسبیح و تمجید ایتیمک ، کتاب مکرمی تلاوت ایتیمک ایلله حاصل اولور . قلب ایلله ذکر اوج نوعدر : برنجیسی ذات و صفات النبییه دلالت ایدن دلایله و بودلایله طعن ایدن شهادتک (دلایل فاسده نک) جوابنده تفکر ایتیمکدر . ایکنجیسی جناب حقک تکالیف و احکامنه ، اوامر و نواهیسنه ، وعد و وعیدینه متعلق دلایله تفکر ایتیمکدر . انسان کیفیت تکلیفی و مکلف بی ایشله مکده کی وعد ایلله ترکنده کی وعیدی اکلا نیجه مکلف بی ایشله مک کندیسنه سهل اولور . اوچنجیسی اسرار مخلوقات النبییه ده تفکر ایتیمکدر ، تا که ذرات مخلوقاتدن هر ذره عالم قدسه محاذی مرآت مصیقل کبی اولسون ده عبد او مرآت مجلایه نظر ایدنجه شمع بصری آندن عالم جلاله انعکاس ایتسون . جوارح ایلله جناب حق ذکر ایسه جوارح امر اولندیغی اعماله مستغرق و نهی ایلدیکی افعالدن خالی اولمکدر .

برکت زاده

اسماعیل حق

—